

DISSERTATIO MEDICA 26

DE

CRUSTA
LACTEA,

Vulgo

Dom Ansprunge/

QVAM

Supremi Numinis gratia

*Illustris Collegii Medici autoritate atque
consensu in florentissima Salana,*

PRÆSIDE

JACOBO Wolff/Phil. & Med.D.P.P.
& Academiae Leopoldino-Imperatoriae

ADIUNCTO

*Dn. Patrono & Præceptore perpetim
devenerando,*

publico eruditorum examini subjicit

AUTOR

GODOFREDUS SCULTZIUS,


Altenburgensis Misnicus,

In acroaterio MEDICORUM

d. April. Anni gratia Christiana CIO IDCVIIC.

J E N Æ,

EX OFFICINA JOHANNIS GOLLNERI.





IN NOMINE JESU ARCHIATRI SUMMI!

PROOEMIUM.



Vantumvis infantum & puerorum morbos curandos communiter ad domesticam Medicinam trahant matres familias & mulierculæ, in quo negotio Medici non rarò connivent, aut primam istarum personarum instantiam non expungere pollent, aut aliis imperitis permittunt infantum curationes, pertæsi quandoque sorditiei circa infantes observandæ, ejulatus pusionum, aut Synedrii anilis & cunas gubernantium judiciorum & scommatum; Licet inquam, pertæsi illorum Medici committant medica istiusmodi negotia illis personis; non paucitamen errores, morte infantum inclarescentes, sæpe ex ista licentia emergunt, quos periti & versati Medici alioquin declinare, miserosque illos infantes à morte liberare valuisent. Sed hæc errorum vulgarium classem fortassis constituent & conservabunt imposterus, & Threnodiam similem (ac Mindererus olim meditatus est de varia tyrannide & præfracta imperitorum in Medicina licentia) posteris nostris continuandam relinquent. Novimus etiam leves quosdam affectus corporis Medicos quospiam morborum nomine vix dignos reputare, eosque fusque deque habere, juxta illud Juris peritorum: **QVOD MINIMA NON CVRET PRÆTOR.** Verum flebilis experientia & eventus non rarò comprobat magnorum morborum esse levia principia; Nequaquam ergò ille canon in Medicorum territorio tolerandus est, ne serò minusque

prudenter Medici, neglectu quopiam delinquentes, ingemiscere teneantur miseram illam vocem: NON PUTARAM. Crustam lacteam quoque non rarò pro critico bonoque abscesu puerulorum reputant, quæ ab aliis malis illos liberet, minusque curandam censent. Ast tædium, aliaque mala, quæ foetore aliisque suis attributis, & exitu exitioso interdum infert crusta lactea, certè Medici majorem curam, & cautionem antevertentem isthæc, jure posceret sive admitteret. Proinde Medicus pudori minimè sibi ducere debet infantilium morborum curationem, eorumque peritiam comparare, quæ certe majori industriâ & σοφία indiget, quam adultis hominibus adhibenda Medicina, quia pusiones fando aliisque indiciis accuratis & desideratis non indicare valent morborum suorum sedem, sive affectum locum & causas. Propterea nos non arbitramur erroris inculandos, quod præsentis exercitio vires nostras tentemus, & animum discendi cupidum significemus, ab aliis verò erudiendi, & ad meliora nos ducendi animum promptum, benignum, & humanum expetamus atque expectemus.

Tu Deus alme bonis nostris his annue captis!

Tractatio ipsa.

§. 1. Quia à nominis explicatione communiter, teste Galeno l. 3. de simpl. Med. facult. c. 12. omnem discursum exordiri consuetum est, merito nobis primo inquirendum videtur, quid thematis nostri nomen significet.

§. 2. Crusta lactea vox merè latina est, eaque à corio (criticorum quorundam opinione) quasi corusta deducta & dicta est, quod in illo sive cute fortassis oriatur, nec adeò difformem ipsius conditionem ostendat, si aliqua ipsius mutatio accedat.

§. 3. Synonyma hujus mali in autoribus occurrunt plu-

plura: ἐλκύνειον *Galeno i. de compos. med. cap. ultimo* denotat ulcerosam pustulam in capite. Alii autores tamen eam vocem papillis sive pustulis parvis exprimunt. ψύδραξ ἢ ψύδρακιον sunt pustulæ duræ subalbidæ, quæ expressæ saniem reddunt. Scabies capitis, item porrigo à quibusdam vocatur illud malum, quamvis utraque vox ab aliis notis & limitibus includatur. Alias achor, & tunc quidem, quando tantum caput, nec aliæ partes, ejusmodi crustosa scabie affectum est; favus est, in quo majora & magis conspicua foramina quam in achoribus reperiuntur. Dicitur autem hanc ob causam favus, (nam proprie competit hoc nomen operi apum, in quod mel recondunt, quia est ulcus, multis foraminibus pervium, ex quibus promanat humor instar mellis; favus & cerion unum idemque significant. Ἀχῶρες vocantur à Celso manantia capitis ulcera, quæ originem suam sumunt inde, quia non amplum χῶρον, locum, occupant, sed angustis spatiis sunt conclusi. Achores dicuntur apud Arabes sahafati, velut constat ex *Avicenna* & *Plinio*. Morbus hic etiam Latumus, fortassis Barbaro nomine, ab Italica voce Lattime sive lactumine vocatur à Marcello Cumanò *Obs. medic. 13.* Constat præterea, quod tinea extremam istius crustæ fætidx speciem denotet. A Monspeliensibus la rasque vocatur achor, uti constat ex *Hucheri de sterilitate p. 861.* Germanis nostris der Ansprung in facie præsertim; fließende Köpfe/oder ein Grind/Teft oder Ausschlagen/ausfahren am Kopfe/Gesichte oder Leibe &c.

§. 4. Communiter vocatur hoc malum crusta lactea sive lactumina. Crusta verò de variis rebus alioquin prædicatur: ne dicam de cute crustosa in animalibus, vel quæ crusta dura sunt obducta, unde in divisione animalium certa species crustacea seu crustata appellatur. Ita quoque in panificio crusta panis vel placentarum nota est extrema illa-

rum pars durior, veluti crustula, & harum pistorès crustularii; mensæ secundæ; palatoque materiam non ingratam præparantes, innotuerunt. Crusta item sumitur pro cuticulâ, quæ in rebus fluidis, imo etiam solidis ex quadam congelatione vel concentratione indurari & sæpe summum locum in operibus quibusdam Chemicis solet occupare. Præterea significat Medicis idem sæpe quod eschara, quæ ulceribus in summa parte quasi operculum adnascitur, & quidem vel sponte sua, vel quando in cute à medicamentorum causticorum, ideò escharotica dictorum, eadem excitatur. Hoc autem loco notat vox crustæ ulcera & tubercula, non tantum faciem, sed etiam totum corpus quandoque occupantia. Lactea verò, specifico quodam epithetò addito, illa ulcuscula sive lactumina ideò dicuntur, quia crusta magis albicat, & infantes tempore lactationis magis corripit; item quia malum hoc præcipuè à lacte impuro sive recrementitiis particulis pleno oritur, uti prolixius paulò, quando de causis agetur, videbimus. Quibus modis verò amplius malum hoc ab aliis exanthematibus sive ulceribus crustatis discrepet, constabit ex jam tradenda descriptione.

§. 5. Atque ita explicatò hætenus nomine aliquatenus, ejus definitionem sistimus talem: *Crusta lactea seu lactumina sunt ulcuscula latiora infantum præsertim, nec solum in capitis, sed & interdum in universi corporis externis partibus vel cute, scabroso tegmine albicante apparentia, & pruritus molestus sæpe inferentia, sive à causa externa cutem rodente, sive humoribus præsertim vitiosis, acribus ac mordacibus corporis initium & incrementa, vitiosamque suam saniem contrahentia & interdum illam fundentia.*

§ 6. Genus dicti affectus constituunt ulcuscula externa, ideoque ad tertium morborum summum genus pertinent scilicet solutæ unitatis, & quidem quatenus in molli-
bus

bus partibus observari ista solent. Possunt tamen etiam ad morbos conformationis referri, quod tumor conjunctus sit, & eam ob causam sunt affectus compositi ad conformationem & solutionem continui pertinentes.

§. 7. Ne diutius moremur in expositione differentiae specificae, quatenus malum hoc nostrum limitibus certis inclusum desciscit ab aliis variis ulcusculis aut pustulis cutis, videlicet scabie, pfora, variolis, anthracibus, tinea, elephantiasi, phlyctæna, sudaminibus, varis, sironibus &c. ideoque properabimus ad alia.

§. 8. Ut pauca proferamus de subjecto, malum istud ostendente, cutis cum cuticula, nobis etiam tacentibus, nota est, quæ malum istud contractum varia ratione maxime sistit oculis. De glandulis subcutaneis vitioso succo turgentibus, & exanthemata istiusmodi (præsertim in capite ac facie, uti & pectore, brachiis aliisque partibus, contagii propagati adminiculo, sæpe protrudentibus aut alentibus) de his & similibus inter causas tradendas plura innotescunt. Inter differentias item agimus de ætate, quatenus teneros vel infantes præsertim, porro pueros, ac tandem & adultæ magis ætatis personas turpat.

§. 9. Causa immediata ab Autoribus veteribus & recentioribus varia accusatur. *Galenus* vocat eam humorem acrem, serosum, mordacem crasso admixtum. *Avenzoar* dicit hæc ulcera fieri ex bile acri una cum modica crassitie. *Paulus Ægineta* causam facit pituitam nitrosam & Æsam. *Alexander Trallianus* hæc ulcera voluit fieri interdum ex pituita, interdum vero ex melancholia. Et *Samuel Hafnerfferus in nosodochii L. 1. cap. 13. p. 94.* inquit: malum hoc nascitur ab humore acri falso & mordaci ex impuritate lactis, eoque vitioso contracto & *cap. 17. pag. 143.* ubi conjungit ulcera capitis, ortum eorum derivat ex humore melancholico.

cholico pravo & vitioso, cui aliquid bilis vel acris alterius alicujus humoris sit permixtum, qui ad cutim capitis effusus eam unà cum radicibus pilorum erodat & corrumpat: *Ettmullerus in valetud. infantil. p. 26. & Doleus in encyclop. l. 6. c. 11. p. 1021.* adscribit causam vitio lymphæ nimis sive p. n. acidæ plus minus simul viscidæ. Non male hujus mali formam describit *Sylvius Prax. appendic. tract. 1. c. 8. §. 9. p. 614. dum* humorem acrem, & si gustes, aciditatis admixtæ notas præbentem accusat, quin ad falsedinem muriaticam tendentem, in infantibus peccantem, & ad corporis superficiem cum circulante sanguine propulsum, qui subsistens tenaci atque glutinosâ suâ qualitate partibus adhæreat, concreascit, crustam contrahat, & indusiis aliisque vestimentis proximis accrescat, & faciliè abrumpatur, si dictæ vestes avellantur, nisi humectando illas quis cautè demat, unde alioquin novi humoris & sanguinis effluvium, crustæ alius ortus, vel ut vestibus iterum cutis adhæreat, adminiculum metuentum est; quod curationis loco notandum laudatus *Sylvius* inculcat l. a.

§. 10. Verùm horum autorum aliorumve sententias penitus examinare supersedemus, quia facile tandem inter se possunt conciliari, modò rectè intelligantur, atque ideò demum nostram sententiam addimus, ubi statuimus & accusamus serum copiosum & depravatum falsum, modò dilutum magis modò minus salibus instructum, & consequenter acre & erodens redditum, quocunque modò effluxum sibi illud per cutim parans malum istud crustosum cum pruritu mordicante tandem ejiciat, uti Magnificus *D. D. Wedelius* Patronus & præceptor meus æternum de venerandus in lectionibus suis nos instruxit.

§. 11. Contrahitur porro malum illud non raro in utero, uti & extra eum; in utero quippe vel ex impuro matris

tris sanguine ac humore illo amnii, quo foetus alitur, vel ex vitioso utriusque parentis, sive etiam alterius saltem semine, veluti hæreditariorum malorum doctrina & exempla nobis fidem faciunt de similibus malis propagandis. Deinceps extra uterum oritur malum vitio lactis, quod infantibus pabulum præbet; major occasio post hæc quoque accedit à prava voracitate tam nutricum, quam infantum, præsertim ciborum salitorum, & qui crustæ isti ortus & augmenti ansam præbere possunt. Quod autem lac nutricum, si vitiosum sit, ulcera infantum pariat, *Galenus Lib. 3. de alim. facult. cap. 15.* propria experientia & historia quadam alicujus nutricis testatur. Quando igitur tales humores acres, mordaces in corporibus infantum sunt collecti, cutim erodunt, excitant pruritum, & dum unguibus scalpturiendo solari fatagunt suum dolorem infantes, non solum exulcerant partes, portamque humori turgenti aperiunt, sed & sic prius malum crustosum interdum dementes, novam infelicem illius segetem, & latius sæpe serpentem, diffundunt. Primam enim non rarò causam hujus crustæ frictio subministrat, si ad illam frictionem ungues irritent vel cogant hærentes in cute sordes mordentes, quæ a sudore, tactu manuum impurarum aliaque ratione cuti illatæ fuerunt.

§. 12. Inter remotiores causas nostræ crustæ lacteæ considerandæ res n. n. occurrunt, ubi primum considerandus est Δ , cujus ratione simul attendenda veniunt tempus anni & regio: Sic hyeme ut plurimum hæc ulcera abundant, uti *Avicenna* scriptum reliquit; quanquam & reliqua tempora, ver, æstas &c. etiam talia proferant. Namque Δ frigidus poros cutis claudit & acrium fuliginum exhalationem impedit, quæ dum colliguntur in parte quadam mordicando provocant frictionem, exulcerantem cutim, unde porrò exaggeratus ichor crustam, & sub ea saniem morda-

cem contrahit & cum suis aliis adjunctis efficit. Sunt quoque regiones aliquæ, quæ videntur proprietate quadam proventum horum morborum citius erogare; *Hucherus de sterilitate* p. 747. scribit aphthas Gallicanis pueris & septentrionalibus raro molestas esse; ob lactis nutricum frigiditatem & humiditatem; sed aphtharum loco solidatione multa pustulis, præterea & ulceribus circa totam faciem caputque serpentibus infestari.

§. 13. Quod ætatem attinet, non negari potest, infantilem ætatem, & adhuc à mammis nutricum pendente maximè infestare malum hoc; veruntamen etiam pueri, mulieres & viri lactuminum non semper sunt immunes, qui acrius & molestius agitantur, si acri magis ac impurò ferò abundant; veluti contagiò interdum etiam illi à suis liberis illud malum contrahere possunt. Cur autem pueri maximè hoc vitiò laborent; causa est, uti etiam antea diximus, quia ex utero matris multis & variis excrementis repleti pròdeunt in lucem hanc, veluti ideò partim crustoso illò in cute efflorescente malò, partim aliis modis interdum natura se exonerare annititur in tenera ejusmodi ætate.

§. 14. Prodit autem vitiosa illa accusata materia ichorosa potissimum per caput, quia maximè humidum est inter reliquas corporis partes, veluti de fontanella in vertice seu bregmatis loco notum est. Eò citius quoque metuedum est illud malum, quia capiti infantes citius manus impuras scalpendo admoveere atque hac ratione ortum & progressum istius mali sistere valent. Provehitur hoc vitium in pueris sæpe etiam vitio lactis nutricis, uti jam dictum est. Similiter infantes interdum sunt admodum voraces, & sic plura excrementa, quæ alias per transpirationem excludi debent, colliguntur, quæ in ambitu corporis reten-

etenta corrumpuntur, unde acrimonia & tandem exitum illum acquirunt. Si accedant his jam allatis quies corporis, humorumque motus denegatus, (qui alioquin cunarum usu, non planè temnendo, promovetur) & aër frigidus transpirationem insensibilem impediens, citius itidem malum illud emerget & promovebitur. Huc facit insimul vitiosa pusionum internorum viscerum constitutio & temperies, quasi non ritè concoqvunt assumpta, nec separant & ex corpore inutilia tempori expelluntur, hinc consequenter mali illius causam haud difficulter colligunt.

§. 15. Neglectus corporis cultus, intermissum balneum, vel lotio necessaria producere potest pariter hoc malum, nam nulla scabiei & cutis defædationum major est nutriticula quam sordities, nec hostis cutaneorum malorum major quam mundities. Proinde scabies fortassis certorum opificum, eorumque ministrorum maximus aut frequens character dicitur & existit; quatenus labes illa oritur à sudore (vivo quandoque reddito) mordicante, & ad frictionem irritante. Quoniam enim squalida illorum est cutis, & indusia immunda, quibus illi diutius amicti sunt, vel quia illi sæpius salitò siccòque victu & paucò potu utuntur, nec non vitam sedentariam agunt, hinc cutim prurientem, & scabiem facile contrahunt, nec non contagiò deinde propagant in suos consortes, æque ac studiosi humanarum literarum, de qua materia *Excell. Dominus Præses in dissertationibus de literarum potu & cerevisia Numburgensi* fusius egit.

§. 16. Contagium non immerito inter causas nostri affectus numeratur, quatenus viscidus, tenax & mordax humor ex crusta lactea, levi sæpe illig principio, manans ab ungvis, alias partes scalpentibus, sive à vestibus, aliòve modo corpori communicatur, unde simili modò aliæ partes integræ corrumpuntur, idem malum propagatur, & in eis præcipuè subjectis, quæ ad eum affectum promptè recipien-

dum sunt disposita. Contagium illud etiam liquet ex hoc, quia nutrices afficiuntur interdum his affectibus à pueris, quos lactant. Si quoque squalor iste cutis & lactea crusta ansam, pabulum, vel latibulum præbeat pediculis, eo major pruritus, frictio, & mali propagatio metuenda est.

§. 17. Differentia etiam lactuminum sive dictorum capitis ulcerum quædam observatur; nam ulcera capitis alia sunt sicca, alia humida, uti Magnificus *D. D. Wedel.* in prælectionibus suis nos docuit. Atque ita conveniunt aliquo modo lactumina cum scabie communi non ignota; veluti uterque affectus subinde contagiosus observatur, nec planè dissimilibus remediis curatur; retropulsa item lactumina paria interdum, & tristia inferunt æque symptomata, atque scabies. Sicuti scabiei notæ duplici, humidæ vel siccæ respondet lactuminum geminus status, ita hæc à natura scabiei non admodum recedunt, & scabies capitis à quibusdam dicuntur. Propinquius vero lactumina ad humidam scabiem accedunt, & sub se achores & favos continent, humore nempe magis turgentes ac scatentes. Inter hos duos affectus postremos autem talis differentia à quibusdam statuitur, quod in achoribus foramina sint minora, in favis vero majora.

§. 18. Ratione subjecti differunt lactumina, quatenus illa interdum solos aut præcipuè infantes & pueros, quandoque etiam adultos infestant. Quoad tempus durationis, alia sunt recentia, alia inveterata. Ratione situs alia superficialia, alia profunda, & si malus mos à lue Gallica, vel scorbuto, hujus privigno vel agnato, accedat, majori cum periculo vel exitu tragico eadem sunt conjuncta. Ratione figuræ & magnitudinis alia magna, alia exigua, tumida iterum alia magis, alia minùs talia sunt. Quod colorem attinget, rubra etiam apparet interdum crusta, quæ in infantibus

bus alias albicat, si scilicet scalpuriunt locum affectum, ut cruor emanet, qui deinceps crustæ sese immiscet, eamque tali rubedine tingit. Propter symptomata alia sunt indolentia, alia verò cum inflammatione, calore & dolore, sive pruritu magis juncta; imò non raro invisos inquilinos pediculos eadem lactumina capitis condunt. Ratione moris denique benigniora plurima, periculosiora alia existunt, uti antea aliquo modo hoc attigimus.

§. 19. Reperitur quæpiam species crustæ lacteæ exiguæ in labiis vel pinnis narium, criticè abscessus in modum in febribus subinde erumpens, illarumque finem, non rarò bonæ instar notæ prædicens, ac brevî tempore iterum sine ope medica evanescens. De simili efflorescente crusta lactea vulgi quærela sæpe auditur, quod à terriculamentis spectris, vel afflatu ac terrore eorum subitaneo incussio ortum ducat; quod malum fortassis post ejusmodi leves febriles insultus & horrorem, (cum falso conceptu vel imaginatione de spectris orta) critici instar abscessus dicti, ex illis locis erumpit. Alia verò illa species latiore locum in capite aliisve locis obsidens, uti majora symptomata infert, ita curationem severam magis poscit.

§. 20. Signa crustæ lacteæ præsentis in sensus incurrun & per se haud difficulter dignoscuntur, cujus suspicionem quoque præbent manus adnotæ crebrius capiti, & frictio ungvibus tentata, capitis impatientis motus, scalpendi desiderium, ploratus frequens; quod si nondum adsit malum illud, futurum hoc dicta signa indicant & causæ quæpiam simul inducunt, nisi etiam his sordes mordentes, pediculi, ac neglecta cura capitis ansam simul præbeant. Imminet lactumina eruptura à vitioso humorum apparatu patefaciunt semper glandularum in collo, cervice, & circa caput dense consitarum, item parotidum &c. tumores,

adeo, ut etiam præsentem crustam lacteam comitentur illi, & calor atque rubor interdum, qui abscessum vel raptum & eruptionem materiæ vitiosæ ad illa loca & per eadem indicat ac minatur. Futuri mali indicia quoque præbent non semper fallacia phænomena, à nobis causarum loco superius allata, quæ denuò jam repetere supervacaneum esse censemus. Ex malo quippe istiusmodi causarum fonte vix bonus, sed inter alia illius mali effectus emergit. Præsentia lactumina digito quasi demonstrant signa essentialiter in hærentia seu pathognomonica, ut tumor crustosus albicans, ex quo, presso præsertim, promanant liqvores modò tenuiores, modò crassiores. Essentialiter consequentia signa ostendunt illa pariter, siquidem successu temporis pruritus, & capitis tecti præsertim motus, impatientiæ testis, & extortum scalpendi desiderium, foetor, odorque teter ex iis exhalans &c. observantur. Nonnunquam etiam pediculorum multitudinem, aliosve vermes sub crustis generatos autores annotarunt, ceu paulò ante vitiosum circulum vel nexum inquilinorum, & tectorum illorum fecimus mentionem; quamvis tandem ædes vel casæ non semper inquilinos alioquin agnoscant vel contineant.

§. 21. Progrediendum quoque nobis est ad signa prognostica, ubi imprimis notari meretur; Lactumina sæpe non esse adeo periculosa, sed infantes à gravissimis affectibus vindicare, videlicet epilepsia, asthmate, catarrho, tussi, lienteria, scrophulis & gibbositate, uti *Hucherus in libro de sterilitate* notat, & *Hippocrates de morbo sacro* ait: Quibus crumpunt ulcera in caput & in aures & in reliquum corpus, & qui salivosi sunt, & mucosi, hi ipsi progressu ætatis facillime degunt, comitiali morbo nonprehenduntur. Idem hoc confirmatum est ab *Avicenna* de epilepsia. vid. exemplum ap. *Tulpium in observ. med. Lib 1. cap. 8. pag. 17.* Non ab-
simile

simile malum vel porrigo in capite Casparis Barlæi insperato erumpens ab inveterata cephalalgia illum liberavit teste eodem *Tulpio loc. cit. obs. 32.* Ita *Magn. Wedelius in Patbol. dogmat. p. 424. scribit*: lactumina quidem mala esse, ut signum, quatenus lac acrius & nutrimentum recrementitiis particulis infarctum & infectum notant; ut causa tamen bona sunt, quatenus separatione ad extra facta, sicque defecata M. S. quoad cætera bene habent infantes. De hujus modi etiam necessitate evacuandorum humorum vitiosorum pro infantum & puerorum sanitate conservanda *Nobilissimus Dominus Præses* aliquoties in prælectionibus suis de *infantum ac puerorum morbis* egit. Non abjiciendi itaque sunt cum vanno vel lavacro squalidi infantes, ceu Germani nostri monent, sed levis illorum calamitas, scilicet salivatio crebra, vomitus, sudor, aut excretio alia varia, moderata tamen, & æqua Medici prudentis & cauti lance probata, tolerabilia magis sunt, quam graviora mala, quibus pueruli sine illis alioquin forent expositi. Nam ex adverso observamus, infantes, qui foris magis nitent, quòd sapius valetudinarii & Ægyptiis sepulchris vel pomis Sodomæ, alioquin fallacibus reputatis, similes observentur. Collecta enim intus in capite vel reliquo corpore vitiosorum humorum colluvies multorum malorum ansam præbere pollet. Spontaneæ tales evacuationes variæ, vel suppressæ, & in alia mala majora interdum mutata Medico suggerunt varias notas practicas observandas, quamvis eas non semper indifferenter, & sine cautione ubivis per imitationem adhibere valeat (licet naturæ ministrum se profiteri velit) hujus naturæ digito indicata auxilia. Natura enim alioquin nullo ductore didicit rectè agere, quam Medicus non accuratè fortassis semper intelligens difficulter ubivis aut semper imitatur.

§. 22. Salutem & mortem quod attinet, lactumina suspicione altiori vacua, per se & sibi relicta præservant communiter corpus à variis affectibus, quibus alioquin, (propter vitiosos humores per alias vias non excretos) obnoxii forent pueri, uti jam ante fuit dictum; sed si vel sponte lactuminum materia retrocedat, idque aeris frigidi, aliusve adminiculò fiat, vel retropellatur ab adhibitis intempestivè quibuscunque topicis, tunc pluries inde pessima extiterunt & pernitiòsa mala, imò mors sæpe ipsa præmatura subsequuta est; quoniam ab externis ichores vitiosi & acres ad interiora & nobiliora viscera repelluntur, quæ sangvinem aliosque humores, si non antea fuerunt corrupti, contaminant, atque malis variis, uti & morti, viam sternunt. Ita *Carol. Piso in observ. de morbis prætervisis pag. 191.* annotat puerulum ab achorum, à toto capite manantium suppressione, repressioneque tam intempestiva, quam refrigeratium abusu medicamentorum, à pharmacopola per unum alterumque mensem applicatorum, asthmate intermittente correptum fuisse. *De morte à mercurialis unguenti litu Miscell. Acad. Leopold. Cas. Dec. 2. An. 8. Obs. 114. in scholio p. 255.*

§. 23. Ratione longitudinis & brevitatis notandum, quòd, sicuti diversæ lactuminum sunt species, diversum etiam eadem durationis tempus agnoscunt. Sic achores celerius, favi tardius curantur; quia excrementum horum crassius minusque dissipabile, illorum verò tenuius existit; si accedant iis incrementa ex cibo, potu, aliisve causis pluribus, in præcedentibus à nobis traditis, finis vel duratio major præsumenda erit. Deinde recentia lactumina facilius curabilia sunt, confirmata vel inveterata verò difficilia magis curatu præsupponuntur, imò propter pertinaciam suam ista interdum redeunt. Adultiores, si non à contagio hoc malum, sed suorum humorum dispositorum vitiò

contraxerunt, & si illud latius serpat in corpore, difficilius curantur, longèque pejus & gravius affliguntur ipsis puerulis. Durat quoque crusta lactea aliquando sat longo tempore, sed progressu ætatis, plerumque bonitate eluctante naturæ, sponte disparet.

§. 24. Modum eventus quod spectat, si nimis diu durant lactumina aut malè curantur, aut si sponte & intempestivè, sive à medicamentis præpostere adhibitis retrocedunt, ut plurimum in defluvium capillorum, & pro materiæ majori vel minori pravitate in illud modò benignius, modo deterius evergunt. Fit quoque ut ex dicta causarum sævitia & diuturnitate hoc malum abeat modo in tineam, alopeciam sive ophiasin, modò in exulcerationem penetrantem, quæ usque ad carnem & ossa quandoque pertingit. Superfedeo vitandæ prolixitatis majoris ergo, alia mala plura, ex istius labis principio leviori oriunda, congerere, veluti tristia talia exempla passim ab autoribus annotata videri possunt. Observavimus & nos infantem hac crustâ prius laborantem, aëri autem frigidiori nimis expositum, propter repulsam materiam peccantem, primasque suæ excretionis vias occlusas, epilepsiâ lethali correptum. *Ettmullerus in valetudinario infantili p. 27.* etiam aliud exemplum tristis eventus habet. Cranium corrosus ab istiusmodi malo in puella rustica vidit *Exc. Dolaus in encyclop. lib. 6. cap. 11. p. 1021.* Addi his potest laudatus à nobis in præcedentibus *Tulpius, & Willisius de morb. convuls. cap. 3.* aliique plures. Celeberrimæ famæ Medicus & Prof. jam Witteberg. D. D. Georg. *Franckius in Agonismat. Physic. medic. 5. §. 1.* (quod cum reliquis agonismatibus fortassis proximè recusis literatus videbit orbis) fusius de sinistro eventu curationis intempestivæ, & metaptosi hujus affectus flebili in majora atque deteriora mala erumpente plenius agit. De-

hinc salutaris eventus magis sperandus est, si adhibitis genuinis remediis materia excrementitia expellatur & corrigatur prius internis medicamentis, & si diæta congrua, aliaque necessaria simul observentur.

§. 25. Expositis hætenus iis, quæ ad theoriam lactuum faciunt, proximum erit, ut ad curationem nos convertamus, quæ methodo medendi & præsidiiis absolvitur medicis. Methodus medendi tribus nititur indicationibus, curatoria, præservatoria & vitali. CURATORIA ipsam crustam respicit & lacunam, invisam istam crustam eructantem, quo muriaticus ichor imminuatur & corrigatur, ac tubercula ista sive ulcuscula internorum atque externorum medicamentorum legitimo usu tollantur, & cuti conditio sua legitima restituatur, ut hac ratione omnia in statum naturalem ac meliorem reducantur. PRÆSERVATORIA causas procatacricas & πρὸν γαμένας attendit, ut humorum vitiosorum scaturigo maturè avertatur, corrigatur, obduretur, atque ita futurum istud malum elidatur; præsupponimus verò prudentiam medicam hoc loco medicamentorum, ætatis, aliarumque circumstantiarum rationem cautam habentem. VITALIS illa ratio non solum viscerum tono et integritati prospicit, atque metuenda majora mala avertit, sed etiam symptomatibus urgentibus mineram subtrahit, & vires integras ægri tum per alimenta εὐχνομα, tum per medicamenta convenientia, conservare annititur. Præsidia verò huc facientia è tribus notis fontibus desumuntur, nimirum chirurgico, pharmaceutico & diætetico.

§. 26. Chirurgia offert priscorum monito sanguinis missionem, quoniam autem nostris in locis minus frequenter aut salutariter admittitur in infantibus, ideoque abstinemus rectius ab illo curationis auxilio, præsertim si alia
illius

illius locum supplere possint, & exteris nationibus liberalem magis dictam V. Sem. committimus, si juvantium, non vero lædentium in classe eandem existere verè deprehendant. Sin vero crusta talis occupaverit adultos, venam citius secare licebit, nec tamen sine omni discrimine, & si suspicio exulet quod non retrò promptius, circulo sanguinis, per vasa evacuata simul vitiosa materia rapiatur ac vehatur. Potest autem citius admitti V. S. si cum cacochoymia humorum simul adsit plethora. Fatemur verò haut inviti cum *Helmontio*, quod forsàn ad scabiem aliam æque, ac ad hanc capitis prompte curandam, non adeò multum conferat illud præsidium, pari modò atque purgantia indifferenter adhibita, nec sine specificâ qualitate simul dictis malis opposita. Si morbus magis caput depopulatur, monet *Avicenna*, ut vena capitis incidatur, aut vena frontis, aut venæ post aures. Quod si morbus in universum corpus grassatur, erit vena pedum vel etiam bracchii communis tandem pertundenda, nec non, habita virium ratione, copia sanguinis extrahenda. FRICTIONES à laudato *Avicenna* recensentur, ut fiant scilicet aceto! & Ec; cum verò pueruli majori semper, quàm potest, lenitate sint tractandi, & frictiones tales ipsismet, propter pruritus sæpe præsentem, cruciatus, novique mali augmentum excitent, potius illæ omittendæ quam admittendæ sunt, nisi disparentis illius mali, & in pejora transeuntis, revocationem eâ ratione quis moliatur. Reliquarum operationum chirurgicarum, nisi fortassis cucurbitularum, hoc in casu paulò rarior vel nullus est locus, unde non attinet, longius illis immorari.

§. 27. EX FONTE PHARMACEUTICO sese ostendunt PURGANTIA, & quidem in adultioribus varia illa, imprimis autem hydragoga, & quæ impuris istiusmodi & similibus cutis vitiis laborantibus conveniunt, ut ferum quantitate & qualitate peccans è corpore partim se-

cernatur, partim corrigatur: quo fine possunt adhiberi helleb. niger, gialapp. & dulc. & iata itidem habent locum, veluti leviter detonatum & pulv. Comit. de Warvvich si-ve Cornachinum, congruum in hoc affectu constituit. Porro locum habent polypodium, aloë, rhabarb. senna f. f. & c. ex quibus variæ formulæ conscribi facilè possunt. v. g. puenis pro ætatis ratione præscribi possunt hujusmodi sequentia non admodum ingrata vel magna dosi: *R pulv. gialap. ʒ℥. & ij. dulc. gr. ij. & diaph. gr. iij. sirup. de polypod. q. s. M. R. & acacia, fanicul. āā 3j℥. pulv. comitis de Warwick gr. xj. resin. gialap. gr. v. sirup. rosar. solutiv. simpl. 3℥. M. D. in fictili S. Purgier Tranklein auf einmahl. R herb. agrimon. scabios. veronic. āā m℥. summit. fumar. mj. flor. violar. rosar. sambuc. acacia āā p. j. fol. senna f. f. 3iij. rad. gialapp. resinos. 3vj. rhabarb. 3ij. sem. anis. ʒj. concis. & contusa F. species, quibus adde crem. Si albiss. 3j. insuantur sacculo lineo, & infund. in seri lactis ℥j℥. stent in infusione per ʒ, mane coque leniter & asserva in cella. S. Purgier Büschlein / davon alle morgen ein Weingläßlein ausgepreßet zunehmen / si alvus laxa aliquoties unicam illam dosin sequatur, non opus est repetenda dosi aliâ eodem die, quo alioquin denuò ista sumi potest, ut ter aut quater promoveantur sedes; subsequenter seu alternis diebus eadem intentio pro necessitate urgente & sedium numero necessario provocandarum repeti potest.*

§. 28. Interdum non solum infans, sed & nutrix imprimis evacuanda est ab ejusmodi peccantibus humoribus. In infantibus & puerulis equidem purgatio frequens magis fit, quàm nimis vehemens semel tentata, ob ætatis infirmitatem & mollitiem; potest itaque vel manna, vel passula laxativa, vel sirupus de senna, vel pulv. gialapp. cum cinnab. nativ. in sirupo de fumaria propinari, & per intervalla semel iterumque repeti. In officinis prostat etiam sirup. de

rha-

rhubarb. solutivus, *sirup. rosatus solutivus compos. bellebora-*
tus Montani, quorum exigua portio v. g. ℥j. pro re nata pue-
 rulis in ▽ *scabios. fumar. &c.* solvi atque porrigi potest.
 Corpusculis teneris, pro ratione ætatis, applicari quoque
 possunt *clysteres*. Nutrix autem, si corpus impurum ha-
 bet, æquè purgetur; nisi enim id fiat, omne illud vitium cum
 lacte in infantes derivatur, & malum augetur. Quapropter
 inservient iis, quæ à nobis antea sunt laudata & proposita,
 nodulus præsertim pro usu aliquandiu continuando. In-
 super notetur, si nutrix sola sit purganda, ut prius infans
 lactetur, quam purgans assumatur, deinde aliquandiu in-
 fans alii nutrici committatur, & lac ex mammis à catello ex-
 trahatur, usque dum aliquot horæ post assumtum pharma-
 cum præterfluxerint; nisi consultum sit aliquid lactis illius
 medicati concedere simul lactenti.

§. 29. *Emetica* videntur usus alicujus, pro salina viti-
 osa materia in ventriculo hærente, & chylum ac fermentum
 corrumpente, eliminanda, modò annuant virium sta-
 tus aliæque circumstantiæ, ubi instar omnium *¶emet. cum*
aliis legitima dosi adhiberi facili negotio potest, in antea re-
 censitis vehiculis.

§. 30. SUDORIFERA hoc in affectu valde utilia
 existimantur, non tantum, quando corpus jam probè sit
 purgatum, præsertim quando ulcera hæcæ sponte evane-
 scunt, aut Δe frigidò transpiratio insensibilis impeditur
 cum mali causa retrocedente, nec sine periculo, vel mor-
 bis imminentibus, tunc materiæ expulsio propero nisu
 promovenda est per diaphoretica efficacia magis v. g. *pulv.*
bezoard. viperinum seu bezoardicum animale, cephal. Micha-
elis, cui non nihil Θ *vol. viper. c. c. aut flor. Θ* ci admixtum*
sit, essent. lignorum, fumar: ~ c. c. liq. v. c. c. succin. essent.
castor. volat. tinct. bezoard. ~ Θ ci, tinct. t. ij* ¶ *isa-*

tam. Excell. Dn. Præses pronuper puerum 7. annorum, cuius in capite tubercula plurima cum pruritu & calore juncta, ut & in glandularum majorum locis indicia erupturæ crustæ apparuerunt, liberavit ab isto malo, usu sequentis mixturæ:
R̄ elix. propr. sine acido præp. 3j. essent. fumar. ʒij, āā ʒij. M.D. in vitro, S. Zertheilend und innerlich ausheilende Mixtur.

§. 31. Sin vero malum illud oculis pateat, nec indigeat expellentibus, sed potius mundificantibus, alterantibus & consolidantibus &c. illa ita sint comparata, ut impurum sanguinem corrigant, ejusque Sinam, corrosivam ac dolorificam qualitatem, nec non affluxum infringant, obstructions viscerum aperiant, eademque roborent, & consolident loca ulcerosa. Inter hæc præcipua sunt *rad. belen. sarsapar. glyzyrrh. lign. gvajac. herb. agrimon. scabios. plantag. card. ben. fumar. quæ ultima* alioquin in impuritatibus sanguinis est laudatissima; gaudet enim virtute abstersiva, saponaria egregia, item bacc. laur. præterea *anima rhabarb. tinct. ʒales, elix. propr. item bezoardica temperata* supra commendata, & tandem sine activis admodum & volatilibus admixtis. Sunt porro proficua *cinnabarina* & *ʒlia scilicet ʒdulg. diaphoret. bez. min. ad gr. ij. iij. assumenda.*

§. 32. Postquam corpus ritè præparatum fuit dicto modo, deveniendum est ad medicamenta *localia sive topica*, in quorum usu ante alia considerandum erit, an morbus sit recens, an verò inveteratus. Si in principio fuerit, & quando malum per contagium contractum fuerit, nec admodum radicum, externis statim datur locus. *Unguentum pomatum* sæpe in crusta levi labiorum & narium litu adhibetur. Commendantur præterea *folia salicis, myrti, benderæ, bacc. alkekeng. fructus lentisci, rubi, cortex pini*, ex quibus in oxycrato coctis lotiones & fots concinnentur; *litharg. cadmia, creta, ʒ Lemnia & Samia pulverisata affricentur,*

tur, vel oleo rosato & myrtino, paucoque acetō excepta illinantur. Ante omnia vero capilli sunt abradendi, aliās non admodum commodē medicamenta applicari possunt.

§. 33. Deinde notandum, crusta si fuerit siccior, illi non integræ aut latæ simul sed angustæ parti & spatio sensim *humectantia & unguinosa* applicari debent; v.g. *o amygd. dulc. lil. alb. butyrum insulsum recens*, quibus singulis vespertinis horis cubitum eundo ungatur locus affectus, altero mane verò caput infantis lavetur *bradio pisorum vel cicerum*. Valet etiam hoc in ipsa tinea; item *pinvedo viperina, unguent. rosat. fiat. butyrum & rosarum lotum, ungu. renovat. ex pingv. viper. o amygd. dulc. & o bezoard. Magnif. D.D. Wed. cum unguent. campbor. refriger. Galeni &c.* ut emolli-
tione prius factâ crustæ decidant, & cutis hoc tectō liberetur. In adultis etiam lotiones emollientes ex dictis veget. & addendis *rad. oxylapath. herb. fumar. saponar. flor. chamom. rosar. fœni Græc. furfur.* ut & alia abstersoria possunt adhiberi; quæ verò in tenerioribus subjectis non ita adhibendæ videntur, talis enim lotio non semper est tuta, sed facilè lethifera fieri potest. Imprimis verò frigidus aer à tali lotionē arcendus, & in loco tepido peragenda; caputque tepidis linteis, vel lectulo muniendum est. Lotiones etiam ex nicotiana, pulverisve ejus insersiones, ab aliis licet commendentur, vitentur, ebrietatem enim turbulentam, anxietates præcordiorum cum lipothymiis, vomitus & copiosos feces supervenisse talibus observatum est à *Boyleo experim. philos. p. 211. & à Febrio tr. de absynth. p. 90.* Sin autem humidior fuerit crusta, exsiccantia in usum trahantur, v.g. *pulv. ex lap. calam. flor. ceruss. pomphol. sale creta, lacte luna, succino, myrrh.* Præ cæteris *ex ejus olo perlixivium salis precipitat. & probe edulcorat, ex nodulo leniter inspersus mirabilis existit.* Imò si huic tantillum salis, quantum

tum nempe sine doloris sensu perferri potest, & imprimis si contumaciores fuerint, aut subinde repullularint defædationes dictæ, consultò permiscetur. His enim adhibitis, & absorpto Osiori peccante sero, sponte successive coibunt ulcuscula, idque citra ullum recidivæ metum, uti hoc deprædicat *B. Ettmull. l. c. p. 46.* Si quis expetat decoctum aut lotionem, sequentis vires experiri potest: *Rad. lapath. aristoloch. āā 3℔. herb. fumar. saponar. c. b. āā m℔. mastich. thur. āā 3℔. myrrh. 3℔. & dulc. gr. Xij. Coq. in font. 1℔j. cui expressæ adde tinct. 3tis Oris 3j. M. qua leniter tangatur pars affecta. Sola illa tinctura etiam & ros. vel font. 1℔℔. admixta tentari potest. & 3les, & sublim. ipse cum aliis mixtus conveniunt equidem in hac & aliorum ex anthematum curatione, verum nequitia illorum & sinister eventus, præsertim in capitis malis, ubi non satis constat de œconomia reliqua corporis, deterret nos, ut non magnâ confidentiâ audeamus eadem commendare; Non rarò enim epileptica, imprimis in tenerioribus corpusculis inducunt symptomata, uti *Timæus testatur respon. 43. p. 106.* Ast si malum sit rebelle magis, exigua portio aliis rebus admixta, præsertim & dulc. & quidem pedetentim ungendo exiguum locum illius mali, admitti potest. *Galenus solâ chartâ combustâ aceto dilutâ parti affectæ illitâ, plurimos curavit, veluti quoque variarum rerum cineres, Dia & lixivis alii dilaudant. Aliàs etiam nasturtium frixum vel tritum cum axungia porci commendatur. Item saliva hominis jejuni illini potest. Forestus sequens arcanum ponit: ℞ butyri Siti, axung. porcin. āā 3℔. 3℔. 3℔. 3℔. 3℔. vivi saliva extincti 3j. Oli crudi 3℔. Butyrum, axung. 3℔. seorsim liquentur, deinde reliqua addantur. Adhiberi etiam possunt. unguent. aureum, de lithargyr. liquirit. 3ale Aug. cujus ultimi pars a portio, vel illius loco nonnihil 3ij. dulc. vel Oli 3tis mineræ Hassiacæ prioribus aliis-**

aliisve admisceri potest. Laudatur etiam in *Jul. Cas. Bari-
celli Hortulo Geniali* p. 46. & *Antonii Grandii curiosorum
abditarum naturaeque arcanorum perscrutatore* p. 39. qui ti-
tulus cur eidem tractatui priori falsò, vel cujus incuriâ, in-
juriâ sive malitiâ (pessimò seculi more fere invalescente)
sit præfixus, ignoramus. Laudatur inquam *linimentum ex*
eo paratum, in quo ad exactam coctionem *bufo seu rana*
terrestris ebullierit; nam hoc simplici remediò quidam a-
choribus tineisque, quibus multos annos turpiter affectus,
& cui varia fuerunt applicata remedia, omnia tamen inutili-
ter, propter morbi resistantiam, per paucas & in capite u-
tens sanus & capillatus factus est; electè quoque ex pharma-
co prius æger ille purgatus fuit.

§. 34. Crusta oculos si attigerit, unde visus possit im-
pediri, utendum sq. medicamento. *R. lactis optimi alicujus
mulierculæ, ▽ ros. āā 3j.* quo abluendi oculi. Si cranium
ab ulceribus læsum sit, inquit *Sennertus in praxi*, primò cru-
sta detrahenda & emollienda *malva & violaria in butyro
majali decoctâ, vel axungia, postea eluenda, & exsiccanda
ulceræ lixivio e cineribus vitis, fagi, fraxini, additò butyrò.*
Ubi cranium apparet, adhibendum *mel rosat.* cui *spir. vin.*
aliquid additum sit, postea eidem *pulv. rad. aristol. & bals.*
Peruv. vel thereb. ▽ vel succò nicotianæ cocta, addi potest. In
fine curationis ut consolidatio sine metu recidivæ eò me-
lius promoveatur, potest propinari. *essent. traumat. cum
essent. lignor. item unicornu foss. croc. 3tis, ocul. 69. præp. suc-
cin. & quæ supra interno usui commoda duximus & diximus.*

§. 35. Agmen claudit *Diata*, cujus ratio in nostro af-
fectu maximè attendatur. Primus enim curandorum la-
ctum minum scopus respicit victum nutricis & ægri, ut nem-
pe cacochymia sit contrarius. Nam in nutrice, errore di-
ætæ factò quocunque, lac statim illius luit pænam, dum in

quantitate modo, modo in qualitate mutatur, & quia pueri toti fere consistunt ex lacte, confectarium est, ut dictæ qualitates vel effectus lactis se quoque exerant in iisdem. Diæta autem ab Autoribus communiter dividitur in *naturalem, vitalem & animale*, itaque observanda veniunt in *Naturali*, quæ cibum & potum concernunt, atque ille eligendus est uterque boni nutrimenti, vitiique immunis, v. g. carnes vitulorum, hædorum, pullorum gallinarum cum lactuca vel endivia coctæ, oryza, alica, ptisana. *Avenzoar* monet, ut caveant nostri ægri usum portulacæ, quoniam hæc herba propriâ quâdam facultate hunc morbum augeat. Abstinendum est deinde à cibis vitiosos humores generantibus, scilicet \ominus sis. acribus fumôque induratis, carne suillâ, anserinâ & aliâ pingvi carne, caseo acri, piscibus, ovis assis & frixis, sinapi, cæpis, raphanis, allio, leguminibus & aliis fructibus crudis. Aceti quoque usus damnatur à *Galeno*. Potus sit moderatus, cerevisia tenuis & defecata; ast vina generosa & fortia sedulò sunt cavenda, quæ planè non lactantibus ac lactentibus congrua testatur non simplex experientia. In lactantibus sæpe consultum est, ut nutrix ipsa permutetur cum meliori, si scilicet ejus intemperies minus corrigi potest. In adultioribus pro potu ordinario potest inservire decoctum ex lign. sanct. sassafir. rad. enul. herb. scabios. saponar. veronic. pyrol. c. b. fumar. &c. In omnibus omnis voracitas interdicitur. *In vitali Diæta* aër eligatur temperatus, nec ullo excessu noxio peccans, præsertim frigidus, quò pori cutis aperti servantur, nec materia intempestivè retropellatur; aut nimis agilis & acris eadem reddatur à calore loci, anni, vel temporis, omnis item aër humidior, qualis circa ver & autumnum existit, sedulo caveatur & Δ e culinari corrigatur; alioquin æque malum hoc, ac catarrhales affectus aliù eo tempore, magis metu-

tuendum est. *Animalis* suadet somnum & vigilias medicritatem servare, si enim somnus sit nimius, humiditas ulterius propagatur. Quies etiam magis approbatur in nutrice quam motus. Alvus semper sit aperta, aliàs humores acrimoniam & omnis generis vitia contrahunt. Animi pathemata in nutrice, imprimis verò ira, contentio &c. sedulò fugienda sunt. *Venus quoque limitibus suis septa contineatur, si non planè ferias aut inducias admittere queat.* Paucis: *Vitentur omnia, quæ supra in causis allata sunt, quæ humores pravos, acres & huic malo producendo idoneos gignunt.*

§. 36. Hæc sunt L. B. quæ pro ingenii modulo proponere voluiatque valui, si quæ forsan intermissa sunt, id humanum, & juvenili præsertim, si non alii quoque ætati proprium reputes; revoca insimul illud tritum in animum: Qui nunquam malè, nunquam benè. Si Praxi atque judicio uberiori me beabit impofterum summus Archiater, meliora quoque his præsentibus polliceor. Interim

SOLI DEO GLORIA.

Non minimi res est momenti posse mederi,
quorum subtilis machina membra regit.
Tu laudem meritis tenerorum corpore claram,
haut minor & reliquo nomine stator eris.

*Honoris & gratulationis votiva
ergo deproper.*

GEORG. WOLFFGANGUS WEDELIUS.

Es sagte nechst der Neid:

Es ist ikt schlechte Zeit

Dürstlin der Arzney! Was du so lang ernehret
mit deiner Weißheit Milch/ seht schlechte Nah rung an/
und will die Milchbord' erst/
der jedes altes Weib leicht wehret/
auff deinem Lehrstuhl führen auff!

Geh!

Geh! denck auff Flucht und Lauff!
 und sey den faulen Zahn
 du alter Höllenhund wo anders ein!
 (ward ihm zur Antwort.) Henget schon
 der Ansprung nur den Kindern an/
 ist doch Herr Schulzens Fleiß fürwahr kein Kinder-Spiel.
 Er trifft das Ziel!
 drum soll auch seyn sein Lohn/
 daß er dereinst erhaben stehet
 auff jener Bahn/
 woselbst die Sternenmilch
 den grossen Beer und den Bootes nehet/
 und wo dein fauler Wind kein Stäublein mehr verwehet.

Hiermit wünschte seinem von unterschied-
 lichen Jahren her beständig fleißigem
 Zuhörer zu diesem Vorhaben Glück.

D. L. Schelhammer D. P. P.

I*nfantum morbum trutinans puerilia nulla
 Tu peragis, magis id Te probat esse virum.
 Adde Tuis Studiis porro incrementa medendi,
 Tempore sic patria proderis atq; Tibi!*

Paucis his Domino Autori de spe-
 cimine suo hoc gratulari, feli-
 ces successus atque finem studi-
 orum suorum precari voluit

PRÆSES.